

П 58
27-383

ШКОЛЬНИКЛОН БИБЛИОТЕКА




Серафим Попов

Гур асыв!

БИБЛИОТЕКА
Респ. Крел. Музея
Наш АССР
Тор. С. 1911

Серафим Попов

БУР АСЫВ!



КОМИ КНИЖНОЙ ИЗДАТЕЛЬСТВО

Сыктывкар 1963

Серафим Алексеевич Попов

ДОБРОЕ УТРО

на коми языке

Обложка *М. П. Безносова*

Редактор *С. Морозов*

Техн. редактор *А. Жилина*

Сдано в набор 3/VIII-63 г. Подписано к печати 25/XII-63 г. Формат 84×108¹/₃₂
0,5625 бум. л. 1,845 печ. л. (Уч.-изд. л. 1,50.) Цена 5 коп. Заказ № 3392. Ц02230.
Тираж 4000. Коми книжное издательство. Дом печати.

г. Сыктывкар, Республиканская типография Управления печати.

БУР АСЫВ!

Кага синъясысь ясыд
Сувтö, аддзанныд, луныс.

— Шуда асыв!

Бур асыв! —

Кöсья быдöнлы шуны.
Медым нэриник дзоридз,
Коді шонділань кыссьö,
Садьмис лэбачлөн горысь,
Сöстöm лысваён мыссяс.

Туйö веськалöm ёртлы
Вөлök кокниа вуджны,
Медся шуда выль мортлы
Тайö асылö чужны.

Тэ кö мудзин да узян,—
Бура шойччыны тэныд! —
Аски выль вынөн пузяс
Коммунизм тэчысь смена.

Юргы, сыланкыв миян,
Чужан сиктын и расын!
Шонді быдöнлы сиö
Шуда асыв,

бур асыв!

ЛЕНИН ПЫР ЛОВЪЯ

Шонді бара зарни кыа пестө,
Чуймөдө вөр-валөн помтөм мич.
Бронза-изйысь сувтис Эжва весьтө
Миян дона, кувлытөм Ильич.

Ылө водзө видзөдө пыр сійө,
Восьтө шуда йөзлы локтан нэм.
Ленин ломзё шонді кодь жө биён,
Сылөн нимыс быд сёлөмын эм.

Кыа кисьтө быравлытөм зарни,
Вөтлө мулөн быд пельөсысь ун.
Подвиг вылө мунө том ударник,—
Дорны коммунизмлысь югыд лун.

Мича сылөн олөмыс да думыс,
Дедлөн туйөд осьлалө бур пи!
Ловъя Ленин аслас ловъя нюмөн
Выль войтырлы талун мыччө ки.

МИЯН ФЛАГ

Мыйла миян флагным гөрд,
Висьтав, ичөт пиёй,
Мыйла сылөн дзик быд шөрт
Өзйө кыа-биён?

Му шар весьтын вөлі вой,
Зэв дыр вөлі пемыд...
Ме ог лөсьөдчы важ мойд
Висьтавлыны тэныд.

Мортөс йирис-сёйис морт,—
Нэмъяс вөлі тадзи,
Гөлыс озыр вөсна кор
Шондисө эз аддзыв.

Некор тӧдмавны он куж,
Кӧть став мусӧ кытшовт,
Коді йӧзлы корсьны шуд
Медводз сувтіс тышӧ.

Кывтіс нәмъяс бӧрся нэм,
Вежласисны войтыр.
И Спартаклӧн, тӧда, эм
Флагын пӧсь вир войтыс.

Гӧрд Октябрлысь ӧзтіс би
Аслас вирӧн Ленин.
Тышын сійӧ нимӧн ми
Змей-фашистӧс венім.

Мыйла миян флагным гӧрд,
Онi тӧдан, пийӧ...
Коркӧ позьӧ ӧмӧй бӧр
Лэдзны киясь сійӧс!

ОВ,

МИЯН РЕСПУБЛИКА!

Эм войвылын
Медмича, меддона му,
Сэн ключ ваысь сӧстӧмджык
Кывтӧ быд ю,
А пармаыс кыпалӧ
Пыр ӧткодь веж,
И некутшӧм мич вылӧ сійӧс он веж.

Ов,

Коми республика,
миян том му,
Сӧветскӧй Союз
тэныд козьналіс шуд!

Ов,
миян республика,
шуда республика,
комилён му!

Эз кывлыны пöрысь йöз
Сы йылысь мойд,
Кыдз куслывтöм кыаён
Пöртмасьö вой.
Урал бердö воас кор
Зарниа ар,
Сё биясён югдасны
Уна выль кар.

Мед вөр-васö кытшовтö
Збой сьыланкыв:
Печораным Волгалы
Нюжödö сыв.
Гöрд флаг вылын миян
Нэм куслывтöм герб
Пöсь шондi моз югдödö
Войвывлысь эрд.

Ов,
Коми республика,
миян том му,
Сöветскöй Союз
тэныд козьналіс шуд.

Ов,
миян республика,
шуда республика,
комилён му!

* * *

Вөлі водз, а көнкө, гашкө, сёр нин,
Чуймөмысла тіраліс эфир,
Кык сөветскөй мортлысь гора сёрни
Космос шөрысь кодыр кыліс мир.

Миян мулысь честь да слава радось
Кодзувьясөдз кыпөдны кык вок.
Төвзисны торжественнөй парадөн
Му гөгөр кык дзирдалысь «Восточ».

Кутшөм мегагерцьяс вылын кужим
Налы шуны медся муса кыв,
Космосө кор быд сёлөмысь вуджис
Югөр өдөн чужысь сыланкыв!

Му да енэж оз позь юкны биён,
Аслас сывьяс найөс босьтіс морт.
Паськөдісны миян удал пиян
На весьтын кык вына мирнөй борд.

* * *

Ми олам космическөй нэмө,
Кор тшөт вылын быд ичөт здук,
И вөтысь на мичаджык вемөс
Оз тыдавтөм тор вылас тшук.

Ракетаяс дзоргөны вывлань,
Көть өні жө на вылө сөв
Да кодзувлөн дзирдалысь тывйө
Ну миян планеталысь төв.

Оз атомнөй бомбалөн вынөн
Морт сёлөмысь көдзыдыс сыв.
Ми пыр кутам ошкыны сынөд,
Көн юралө збой сыланкыв.

И миян космическӱй нӱмӱ
Пӱсӱ радейтӱм некор оз ор,
ӱд аслад жӱ шудлуныд тӱнӱ
Оз лӱдз Мусӱ ӱновтны, морт!

ЧУМЫН

Шондӱ вӱтлӱс кыа-бинас
Тундра весьтысь вой,
Но оз вешӱы книга дӱнысь
Кӱр видзысьлӱн чой.

ӱзӱӱ лампа...

Муса Ленин

Оз дзеб долыд нюм:
Чумысь аддзӱм серпас венӱс
Сылысь мукӱд дум.

Нывлӱн сӱдз жӱ пуӱ мӱвпыс...
Сӱйӱ аддзис висьт,
Кодлысь Ленин уна пӱв жӱ
Лыддӱылис быд лист,
Сӱсся йӱз вӱснаыс думнас
ӱз узь уна вой.

...Аски велӱдчыны муӱӱ
Кӱр видзысьлӱн чой.

Кыа паськалис нин ылӱ,
Сувтӱс мича лун.
Книга дӱнас ичӱт нывлӱс
Личкис шуда ун.

ӱзӱӱ лампа...

Кодӱ кутас

Прӱстӱ видзны би?

Восьса книгасӱ пыр кутӱ
Ичӱт нывлӱн ки.

Муса нылöй! Кытчö нуö
Тэнö аслад борд?
Тэныд шуда туй пыр сиö
Муса Ленин ёрт.

* * *

Лöсьыд овны миян войвылын,
Кöни лыдтöм ю да шор,
Оз öд прöстö сьölöм доймывлы,
Кор он кыв тэ налысь гор.

Эжва весьтöд руяс кывтöны,
Кыа восьтö зарни сыв.
Ыджыд рейдын муса ныв тэныд
Сиö асьыс сьыланкыв.

Небесаын уна кодзув эм,
Наысь унджык öзйö би.
Став сöветскöй йöзкöд öти нэм
Водзö кутам юкны ми!

* * *

Ывлаыс помасьтöг зэрö,
Войтöлыс лёкысла яр.
Миянöс, Малая Пера,
Кынтыны лöсьöдчö ар.

Морöсöс тупкышта шарпöн,
Нинöмысь сэсся ог пов,
Бөр весьтын зумыштчöм ар пом
Мед менсьым вильöдö лов.

Тані оз мойдыввса Пера
Бара нин заводит спор,—
Тракторöн, пилаöн, черöн
Олөмсö мичмөдö морт.

Гожомын, арын и төлын
Сійо оз казавлы мудз,
Весиг съод войяссө йёла
Кык часысь дырджык оз узь.

Петны и меным тшөтш колө,
Төдмавны йирмөга вой...
Вөвлытөм нэмө кө ола,—
Весь медым няньсө ог сөй!

ТУВСОВ МУ

Шонді вөчис
Ассьыс удж,
Сывдіс-сөйис
Туй выв юж.

Садьмис миян
Парма-вөр,
Трактор петіс
Гөрны йөр.

Узьны тулысын
Оз позь,
Асья кыа
Лэбзьө водз.

Бокө гөр туйысь
Эн усь,
Чужны сөвмөм
Рудзөг тусь!

Небыд муыс
Пось да шань,—
Кыдзи кага
Быдтысь ань.

Сылы колө
Мелі ки,
Ыджыд муслун,
Сьөлөм би.

Зарни шонді,
Эзысь зэр...
Сөмын дышсөс
Му оз верд!

БИПУР ДОРЫН

Куритчытөг сьөкыд овны вöрын,
Торйөн сэк, кор зептад папирос,
Истөг пыдди босьтан бипур шöрысь
Кызд пу вылысь сэтчө усьөм рос.

Бара мунап, кыскан сьөкыд ноптө,
Кыв ни джын дзик некодлы он шу,
Быттьö, тэныд паныд ачыс локтö
Мөд туй вожö кежавлытөм шуд.

Мортлысь пельпом ноп көвйид оз орөд,
Зумыдджыкөн сөмын лоö ки...
Шуöны, тан ловзяс Коми море,
Баканъяслөн өзьяс уна би.

Мича мөвпгьяс кытшын бара кольö
Бипур дорын тэнад узьтөм вой.
...Төдны эськө, медводз кутшөм ёльысь
Волга вылө кывтас эзысь войт?

ЯРЕНЬГА ДИНЫН

Геологгьяс петісны нюрысь
Да яг вылө зэвтісны вон,
И кодлыкө виччысьтөг сюри
Сісь мыр бердысь тыртөм патрон.

Эз кыйсысысяс шыбитны сійӧс,
Мед ыргӧнсӧ вильӧдіс сім.
Ме босьтлі тшӧтш аддзӧмтор киӧ
Да лыдди «Британия» ним.

И паметын бара сэк чужис,
Мый вунӧдны некор оз ков:
Тат Удора вӧлӧксӧ вуджис
Английсқой руд френча Орлов.

Эз дзоридзӧн сійӧ сэк мичмӧд
Да лелькуйт гӧль войтырлысь му.
И медлӧк бандитлы моз вичмис
Кык воськолысь векниджык гу.

А вӧр весьтын дзирдалӧ шонді,
Выль сыланкыв сьылӧ быд шор,
И Яреньга ю боксӧ пондіс
Кӧрт вӧвъяслӧн шызьӧдны гор.

О, кутшӧм тэ вына да шуда,
Выль пармаын бордъясьсӧм пи!
Ӧд некод нин ӧні оз нюжӧд
Сӧдз Эжвалань асьыс пез ки.

Ми радейтам ягвывса сирӧн
Да бур тшынӧн йиджтысьсӧм вон.
Мед нэм куйлас Яреньга йирын
Сісь мыр бердысь аддзӧм патрон.

* * *

Бара нин матыстчис тулыс,
Идраліс ыбъясысь лым,
Миян веж вӧрлы и мулы
Серӧктіс медводдза гым.

Дзик ставыс дона да муса
Шонді, том кыз пу и зэр,
Рөдина нимөн өд шусьö
Вөр-валён помасьтём эрд.

Радейтны сійөс пыр колö,
Ковмас кö, сетны и лов...
Сы пыдди öнi ме ола,
Нэм джынсö кодi эз ов.

ÖШКАМÖШКА

Бара садьмис вөр и ва
Тувсов гымлөн горысь,
Öшкамöшка юö ма
Миян визув шорысь.

Кöть и пыр на вöли кос
Енэжлөн лöz парка,
Вывлань кыптiс зарни пос —
Триумфальной арка.

Тайö пос увтiыс мун
Кöдзны паськыд эрдö:
Мортöс öти тувсов лун
Во чöжыс пö вердö.

Öти кыа оз на кус,
Выль кыа нин вуджö,
Шоньд муын рудзöг тусь
Сьылигтырйи чужö.

* * *

Сьыланкывйөн гажмис бара
Тайö войыс.
Миян муса Сьыктивкарö
Тулыс воис.

Сöstөм кывнас шоныд зэрыс
Лымсө нюліс.
Гора сёрни, мелі серам
Ошинь улын.

Завидь кута сөмын налы,
Кодъяс томось,
Пета тулысылы паныд
Кильчө помө.

Эжва весьтын войбыд öзйө
Зарни кыа,
Кылө гора паровозлөн
Тутсөм шыыс.

Уджын помасьлытөм радлун
Ачыс чужө.
Мый жө тайө мича кадлы
Сины кужа?

Кута нэм помөдз пыр сывны
Тайө мусө,
Коді медся дона кывйөн
Өні шусьө.

ТУВСОВ СЕРПАС

Енэж сөстөм нюмнас томмис,
Шонді кутіс дырджык койтны,
Сөмын керка жөлөб помыс
Кисьтө ассьыс синва войтъяс.

Еджыд шебрас визув юлыс
Лэчыд борднас сырчик кырис.
Тадзи миян мирнөй тулыс
Мортлы сьөлөм пытшкас пырис.

СЫКТЫВКАР — МОСКВА

Мича, шуласны,
лоо арыс,
Кодыр гөрддзасся
уна оз.
Горзө — чуксасьö
Сыктывкарын
Вына гөлөснас
паровоз.
Вуджис шоръяс
да юяс сійö,
Вевттис ягъяслысь
шувган гор.
Дзирдав кодзулысь
югыд биён,
Вывлань кыпөдчөм
семафор!
Медым радысла
сьөлөм öзйö,
Чужөм окавлö
вильыш төв.
Пөртсис олөмö
коми йөзлөн
Уна нәмъясса
мича мөвп.
Ловъя вөлі кө
пөрысь батыд,
Эз мөй поездлы
воча лок?
Медся ыджыдысь-
ыджыд аттьö
Эськө висьталіс тэд,
роч вок!
Нөшта мусаджык
өні лои

Арся мичтырнас
вөр и ва.
...Кутө лунвылө
туйсө поезд,
Шуда туй!
Сыктивкар — Москва!

ТӨВ

Мулөн эзысь веркөс —
Төвлөн төдса серпас:
лым и лым,
и лым...
Медым асыя көдзыд
Морөсөдзыд сөдзө,—
сьөлөмыд
век пым!
Лыжиась да вөрө
Тэрмась муяс шөрөд
кывзыны
выль мойд:
Куржөвитөм пулөн
Муса вөтыс — тулыс,
зэрлөн
эзысь войт...
Сы вөсна и расын
Шонді сувтан часө
чуймөдана чөв.
Тулыс ставлы муса,
Но и тулыс кусө,
оз кө волы
төв!

ЛЫЖИ ВЫЛЫН

Ыркыд сынӧднас
Некор он пӧтлы,
Кӧть и вом тырнад
Апӧдлан-юан.
Оз ӧд лыжи да бедь
Тӧнӧ вӧтлы,—
Лӧбач борд
Небыд лым вывті нуӧ.

Унзіль пуяслысь
Вӧтсӧ эн падмӧд:
Аддзан, туктаӧ
Дзевисны юрсӧ.
Весиг лов шыысь
Кыдз пуыс садьмӧ,
Бытьӧ кӧр
Ассьыс кыпӧдӧ юрсӧ.

Медым кӧдзыдыс
Чужӧмтӧ сотӧ,
Сійӧс некод дзик
Ӧні оз мыжав.
Эз мӧй шондіыс тшӧтш
Микӧд котӧрт,
Сылӧн вӧлі кӧ
Зарниа лыжи?

Чужан войвывтӧ
Радейтӧ сійӧ,
Коді некор оз сӧр
Гора кылӧн...
Сӧмын сьӧлӧмад
Ыпъялысь биыс
Аслас пӧсьлунӧн
Некор оз ылӧд.

Пöльтöй-шутьлялöй,
Турöбъяс, бара,
Ещö кыпыдджык
Ті вöсна ловлы.
Со и мен эськö
Этатшöм яра
Тайö му вылын
Нэм помöдз овны!

* * *

Ме унаысь ылавлі вөрö
И тундраын зэв ёна мудзлі,
Лöнь ёль дорын,
Егыръяс шöрын
Сьöd енэжлөн вон улын узьлі.

Эг норасьлы сэк, чужан муöй,
Кöть вöвлі и гажтöм, и кöдзыд.
Öд кыйсьысьлы войвывса юыд
Быд юысь на кажитчö сöдзджык.

Веж пармаыс быдтіс да видзис
И вичмöдліс миянлы пötös,
Но олöмлысь шудсö да мичсö
Эг аддзывлöй збыльысьсö вötөн.

Ме öні нин велалі сьывны
Да осьлавны му вывті нюмөн.
Быд кыйсьысьлы выль сьыланкывъяс
Дась дон босьттöг козьнавны нумөн.

Ог мудерлун петкöдлы ошлысь,
Ог Яг-мортös ен нимөн даръяв,—
Ме быд кывйөн чужан му ошка,—
Выль туйяс,

выль сиктъяс,

выль каръяс.

А вöрын кö суöдас войыс,—
Оз бипурöн енэжыс югды,—
Öд став Коми му пасьта койны
Сё шондiлöн югöр оз дугдыв.

Вот та вöсна повзъытöг мунан
Быд сьöкыдлун öдйöджык венны.
... О, кодлöн нö куим кыв вунас,—
Октябрь, рöднöй Партия, Ленин!

* * *

Кор войвылö матыстчас тулыс
Да пармасö юкталас зэр,
Руд каля Печоралысь-юлысь
Оз вудж синмön сывъявтöм эрд.

Лöз море моз паськалас сiйö,
Уралöдз кöть веськыда кывт;
И быдлаын öзйöны бияс
Да юралö выль сыланкыв.

Эм му вылас зэв уна юяс,
Но сöдзджыкöс корсьны он куж.
Лöнь Волгакöд öти кузь туйын
Печоралön öтувтчас шуд.

Ме асьыным чужан му сыла,
Выль кыалысь кыпöдчан мич.
Руд каляяс лэбöны ылö
Да сы йылысь нуöны висьт.

БАШЕННÖЙ КРАНЛЫ ГИМН

Мыйла нö меным тшöтш
неуна инмö,
Башеннöй кранлы
кор сиöны гимнъяс?

Съывны и колö,
и ошкыны колö:
Енэжлань уськөдчис
миян том олөм!
Синъясысь виччысьтөг
кусöны бияс,
Кынмасны кор
керка весьтö кöрт кияс.
Кранъяс оз вермыны
асьнысö дзебны,
Мыжа прорабъяс моз
юръяснас легны.
Вөвлытөм кадлысь
ми серпассö новлам:
Кöртлы да сьөлөмлы
шойччөг оз овлы!
Аскилань туй
медым некор оз оръясь,—
Копрасьöй, кранъяс
да виж семафоръяс!

КОЛОННОЙ ЗАЛЫН

Колонной залын гөгөр би,
Сё люстра синтö ёрö,
Ме, коми вöралысьлөн пи,
Тшөтш лэпта вывлань ассьым ки
Да кыв-мөд шуны кора.
А водзын пукалöны йöз,
И сьöd, и виж, и еджыд...
О, кыдзи вермö йирны дрöж,
Трибуналань кор кежан!
Кöть сьөлөм тшкөмөс ог кыв
Со тайö ланьтөм залас,
Но колö,
Колö шуны кыв,

Кыдз войвыв олө талун!
Кыдз олө?
Олө Коми му,
Оз корысяв, оз норась,
Веж парма сьылө,
Сьылө ю,
А мортыс — медся гора!
Ме рочөн сёрнита...
Роч кыв
Ас кыв кодь жö öд муса,
И миян дзик быд пи и ныв
Сöветскöй мортөн шусьö.
Ми öтвыв юкам шуд и шог
Да пызан сайö пуксям,
Кыдз ыджыд керкаысь быд вок
Став олан гажнас юксьö.
Мед дзоргö уна öзйысь син,
Ог көйы пыр на сувтны...
Колоннöй залысь вуджöрин
Ме аддза...

Ленин сувтö!

Пыр сэтшöм, кутшöм сийö эм,
Кыдз дзоридзалысь тулыс,
И нöшта югыдджык на нэм
Со индö паськыд мулы.

ЭН ЮАСЬ

Эн юась тэ сийöс,
Кыдз меным тан овсьö,
Кор войвывса ниа
Веж лысьяснас ловзьö,
Кор потö багульник
Да кольмөдö юртö,
Кор кынмö да ульдö,
Быд шор весьтын дзуртö,

Кор вощьоны юяс
Да садьмөны тыяс...
Тэ менсьым эн юась,
Ме тэныд ог шыась!
Эн юась тэ сійөс,
Мый мортөс пыр дойдө...
А Эжваным миян,
Дерт, бара нин ойдө:
Том зонъяслысь сёрни
Выль запаньысь кыла.
Ме өтнам тай сёрми,
Ме өтнам тай ылын...
О, чер эськө киö
Да кузь зібъя багыр!—
И ме вөвлі пиөн
Веж раслөн, веж яглөн,
И мый сэтшөм муса
Эм вөр-валөн шыас,
Тэ некор эн юась,
Ме тэныд ог шыась!

* * *

Полярной Урал бердө тулыс
Эз коръяслөн сюр вылын кывт.
Веж корьяссө нэриник пулысь
Друг казяліс ичөтик ныв.

Том бадьяссө вайисны арын,
Кор тундрасө мыськаліс зэр,
И медводдза тайö бульварыс
Посёлокө пыртис выль сер.

Но ичөт ныв быдөнысь шуда
(Ме радлунсө сылысь ог торк!),
Öд первойысь аддзö, кыз чужö
Да паськалө тіралысь кор.

Лёк турөбъяс кынтасны мусö,
И зэркөд тшөтш кучкалас слөт,
Но некод нин, некод оз гусяв
Том сьёлөмысь медмича вөт.

* * *

Мед синмыд öнi на оз шымырт
Кык егыр костысь зу кодъ тiль,
Но, видзөд, пысалiс лöz кымөр
Кузь телебашнялөн ёсь шпиль.

Көрт черань везйөд ветлө гусьөн
Сьөд парма сайысь воөм төв,
А меным кажитчө, друг уси
Зэв ыли Марссиянь ёсьтөм ньөв.

ЛЫСВА

Көть ичөт дырйи тайөс кывли,
Но батьлөн висьтыс эз на вун:
Кор лысва вылын узяс ывла,
Сэк сувтас мичаджык на лун.

Важ ордым кузя муна ыбө,
Став лысва куртны сэтысь дась,
А шондi ньөжйөнникөн лыбө
Да чөвтө мулы зарни пась.

Мед страдна кадыс коли ылө,
И бокө кежис гожся вой,
Но аслам чужөм вылысь кыла,
Кыз ворсө эзысь лысва войт.

* * *

Нюръяс сайын буксö пöрысь сюзь.
Ноддя дорын войбыд ме ог узь,—
небесаысь
восьса книга пыдди
кодзувъяссö
асъядорöдз лыддя.

Лысва усьтöдз бара пета туйö,
Сöстöм ёлысь кодзыд васö юа.
Жаль мем сийö,
кодi оз тöд мудз,
бипур дорын
öтчыд көть оз узь!

* * *

Му кө гөрлин, тöдан сылысь дон,
Кызди мортлы киас няньыд шедö,
Эз öд прöстö дас арöса зон
Кынöмпöтысь озыръяслы медась.

Öдва кутлис гөрсö ичöt ки,
Кодi сөвмис шома ырöш вылын.
Тшыглы узьны водлис быдса сикт
Эжва бердса джуджыд керöс
йылын.

Коли ставыс, кызди кольö вöt,
Некор бөр оз бергöдчы нин сийö.
Радлунөн и няньөн талун пöt
Тэнад нылыд, менам ичöt пиий.

Ассыд муслун дона мулы сет,
Сылы уджйöз гөр туйöдыд ну и...
Сэни, көни быдмис öти шеп,
Медым öни öвтчö-быдмö куим!

* * *

Туйо петигөн
керкато сьорсыд он босыт,
коркө ковмас
и йөз ордын узыны.
Сөмын сийо,
ме тода,
тэд өдзөс оз восыт,
кодi нэм чөжыс
ачыс эз мудзлы.

Сылөн шуд выло
некодлөн завидь оз пет:
мөдлы юкыштны
пельөссө полө...
Турөб вой
медводз лөк мортлысь век
гажтөм олөмсө
медьёна толө.

* * *

Ой, ёна жө нин войыд кузь,
Кор синмыд восьса асья дорөдз.
Тэ бара өтнад тай он узь
И бара некодлы он норась.

А ывла вылас уна ног
Водз воём тулыс гора сьылө.
Ме ачым тода, мыйта шог
Том зонлы вөчө муса нылыд.

Но сийөс дивитны оз позь,
Мед сөмын мукөд моз оз пөръясь,
Өд весиг расывьса том коз,
Бур места аслыс петны бөрийө.

Көть узытөм войлы абу рад
И зарни кыаыс и ёлыс,
Но воас медбур олан кад,
А мортлөн сьёлөм дойыд кольё.

МИ БЫДМИМ СЬӨКЫД КАДӨ

Ми быдмим сьөкыд кадө,
Но олөмнас пыр радөсь,
Көть тшыгъявлім, и кынмим,
И узылім весиг лымйын;
Эз вевттыв йирмөг арнас
Веж паськөм-пасьнас парма.
Мед эг ми тані йитлөй
Ас киясөн Магнитка,
Но туйө мунлім войын,
Кыз ветлывлөны бойө.
А сэк, кор биён пөри
Сьөд кымөр енеж шөрын,—
Винтовка босьтім киө
Да збыльысь мунім биө.
Эз ставлөн бөрсө локны
Бур верөсьяс и воқъяс,
Но видзө яг и ковтыс
Быд усьөм зонлысь лов шы...
И өні ми ог райө
Дась посъяс вывті кайө,—
Сөветскөй йөзлөн уджөн
Өд коммунизмыд чужө.
Ми олім сэтшөм олөм,—
Кык нэмлы нуны колө.
Мед челядьнымөс пондас
Пыр чолөмавны шонді!

ТУРИЯС

(роч серти)

Турияслысь горзём бара кыла,
Кымөр сайёд лэбёны зэв ылё,
Аддза, кызди налён кокни вуджөр
Сиктъяс весьтöd öни бара вуджö.

Лэбачьяслы шуда туй ми сиам,
Колльöдигөн öвтам налы киён.
Водзын уна муяс, уна юяс,
Аддзысьлытödз, турияс, бур туйён!

Бордьясыслы сынöd абу дзескыд,
Водзö лэбны туйыс налён веськыд,
Лэбёны и асылын и войын,
Тöлысьыс кор кöдзыд югөр койö.

Кодзувъясödз мусянь абу матын,
Кымөр öтнас лöня кывтö-катö...
Муным чöскыд унмён важён узьö,
Турияс оз тöдны некор мудзём.

Лэбачьяслы шуда туй ми сиам,
Колльöдигөн öвтам налы киён.
Водзын уна муяс, уна юяс,
Аддзысьлытödз, турияс, бур туйён!

БИЫН ОЗ СОТЧЫ

Биын оз сотчы,
Ваысь оз пов,
Шуöны рочьяс,
Ыджыд любов.

Эскöй кöть энö,—
Эг бокысь кыв:

Висьталіс меным
Ќти бур ныв.
Шуткаӧн чӧвтис,
Восьлалігмоз,
Дзоридзьяс пӧвстысь
Медмича роз.
Томъяслӧн гажӧн
Юксьыны сӧр,
Юрӧй нин важӧн,
Аддзанныд, дзор,
Сьӧлӧмӧй... Сійӧс
Некод оз тӧд:
Томдырся биыд
Некор оз пӧд.
Син дор кыз вазьӧ,—
Ачым ог кыв...
Медым оз казав
Сералысь ныв!

* * *

Енэж улын нинӧм абу помтӧм,
Кыкысь некод му вылас оз ов.
Шуда сійӧ, муслун кодлысь шонтӧ
Нэм помӧдзыс кӧдзавлытӧм лов.

Вуджим ми и биӧн пӧльтан вояс,
Мусаяслысь казътывлім пӧсь сыв.
Аслыным ми весиг сьӧлӧм дойысь
Чужан мулы тӧчлім сьыланкыв.

МӧДЛЫ МЕД ТЭСЯНЬ ШОНЫД

Унаысь тӧнӧ дойдлісны,
Кодӧскӧ дойдлім ачид,
Биӧн кор тэнад ойдлывліс
Морӧсад сьӧлӧм-пачид.

Тода, и кута эскыны:
Мортос оз дорйы рангыс...
Просто од тадзи эз кыны,—
Некод по абу ангел!
Кужны и колло шогсыны,
Ертлы кор дойыс инмас.
Мыйла но яндам ноксигас
Уськодны эзысь синва?
Выль йоз кор туйо петасны,—
Выль оллом воас, чайта.
Миянлы они весавны
Важ намлысь кольом няйтсо.
Быдонлы ыджыд колантор
Состом да мича лолыд.
Му вылас отчыл олан кор,
Модлы мед тэсянь шонид!

ДВОРНИК

Кодко чышкало став бус
Миян ошинь улысь.
Чорыл голлик: р-ус... да ру-ус...—
Ставсо гогор нюло.
Тайо — дворник.

Петис водз.

Сэтшом сылон служба!
Уна, уна асыводз
Медводз сийо мудзлө.
Узьо карыс,—

ме ог узь:

Чортыс синмын войло...
Весиг дворникыслон мудз
Быттьо бокко тойло.
Уна няйт да ег на эм
Состом енеж улас,
Коть и воис мича нам

Миян ыджыд мулы.

Чышказ, дворник!

Тэ эн пов

Аслад гөлик йылөн

Дойдны менсым көдзыд лов,

Збыль кө көдзыд кылан.

Карысь өдйөджык тшөтш ну,—

Туй бокас эн эндөд,—

Сийөс, коді дыр эз кув,

Асьсө лыддис енемөн.

Шонді петтөдз на став няйт

Медым дзыкөдз бырас.

Сөстөм оланінө

вай

Өтвылысь ми пырам!

ВИЖЪЮР

Өтчыд көть колө жө гижны

Тэ йылысь, нэриник вижъюр!

Ошкан кыв лишнөй ог шу на,—

Дзоридзыд му вылад уна,

Тэысь на мичаөсь, бурөсь

Видз вылысь быдөнлы сюрө.

Мыйла нө, лым улысь петіг,

Шонді тэн зарнисө сетіс?

Нинөм он висьтав, но төда,

Кодөс тэ мичмөдны мөдан...

Лок миян войвылө, тулыс,

Вижъюрөн ми водзын сулышт!

СЬӨЛӨМ

Китө пуктыв
Морөс вылө,
Висьтав, мый тэ
Сэтысь кылан?

Тайө — сьөлөм
Гора дiпкө,
Öдзөс восьтлө,
Öдзөс сиптө.

Сийө мекөд
Ветлис бойө,
Висис менам
Сьökыд дойөн,

Менам гажөн
Радлө-олө,
Няйтсө, лөксө,
Важсө ёрө.

Талун збоя
Дiпкө, пузьö,
Но, ме тöда,
Коркө мудзас...

Мудзас. Сувтас.
Гашкө, орö
Морөс пытшкын
Ыджыд горөн.

Ыджыд аттьö
Тэныд, сьөлөм,
Мый тэ сэтшөм
Шуда вөлөм!

КАТШАСИНЪЯС

Коркө узыланнуд он, катшасинъяс?
Мыйла восьсаоьсь пыр тиян синъяс?
Менө пыр сөмын тә динө нуө,
Лыдтөм дзоридзөн тыр Коми муө.

Катшасинъяс,

Катшасинъяс,

Мыйла восьсаоьсь пыр тиян синъяс?

Эмөсь лунвылын мичаджык муяс,
Сәни кывтөны визувджык юяс,
Сөмын мыйла кө пыр медея матыс
Эзысь лысваон дзирдалысь асыв.

Катшасинъяс,

Катшасинъяс,

Мыйла восьсаоьсь пыр тиян синъяс?

Уна сыланкыв татысь ми кывлім,
Кодөс сиёны радейтан нывлы.
Ловъя дзоридзысь мый бурыс сюрө
Сылы пуктыны кудриа юрө?

Катшасинъяс,

Катшасинъяс,

Мыйла восьсаоьсь пыр тиян синъяс?

СВЕТЛАНА

Миян керкаясным пануд,
Костыс сөмын өти сыв.
Мыйла серамтө, Светлана,
Тайө рытө ме ог кыв?

Бара, гашкө, ёна мудзин,—
Тувсов луныд вывті кузь!—
Муса сикт и вөр-ва узьө,
Сөмын өти зон оз узь.

Кыа асыввылө вуджө,
Одва вөрө льөм пу кор.
Медым менам кокни вуджөр
Нинөм му вылысь оз торк.

Регыд зарни шонді петас,
Садьмас миян чужанін.
Мыйла,

мыйла паськыд светас

Ме ог кывлы некор, Света,
Тэнад нимысь югыд ним!

МЫЙЛА ТАДЗИ...

Война вылө кыкысь волі,
Штыкысь-пуляысь эг пов,
Море шөрын бушков-төлысь
Эз жө дрөгмун менам лов.

Синмө лым чир турөб көдзис,
Тыртис гортлань косан туй,
Менсьым сьөлөмөс эз көдзөд
Арын сөнікасьөм ю.

Мыйла өні тадзи нэрми,
Весиг збойлунөс ог кыв:
Фронтөвикөс кыдзи вермис
Пөкөритны өти ныв?

Аддза, некод өні меным
Төлка воча кыв оз сет...
Муса нывлөн сьökыд пленысь
Ачым некор көть ог пет!

КОРКӨ ВӨВЛӨМА

Коркө вөвлөма тани лагерь —
Мыжтөм войтырлы рай и ад,
Пыр на казътылө пожөм ягыс
Миян му вылө волөм кад.

Ме эг вузавлы ассъым өртөс,
Төдтөм мамлы эг вөчлы дой,
Гашкө, сы вөсна сэтшөм горша
Гусьөн ньылала синва войт.

Усьө лым пөрөм вахта вылө,
Туйсө вуджиг көрт жель оз кыр.
Шуда челядь

со керөс йылө

Талун вөчөны йиа кыр.

Некод некодөс оз нин мыжав,
Пиыс батьсө оз сэсся өр...

Сөмын пыр,

кызди пөльтчөм грыжа,

Обелиск дорын кынмө морт.

Оз нин повзьөдлы...

Муса пиян,

Ми кодь шондыс көни эм!

Өтнас Пугалө пыдди сийө,

Медым кынмыны кутас нэм.

СЫЛӨ РОБЕРТИНО ЛОРЕТТИ

Гашкө, лэбач гөлөс кыла

Асья кыа сувтан часө?

Робертино тайө сылө

Миян Эжва бердса раскын.


Ылыс енэж, ылыс море
Ловзьö синъяс водзын бара...
Челядь сбыланкывлөн горысь
Мый эм гораджык му шарас?

Медводз мамлы сійö инмö,
Мамöс гажöдö и дойдö,
Медым некор сылөн синва
Пилөн морöсас эз войтав!

Тайö ыджыд, паськыд муас
Уна войтыр эм на пайтöм.
Коді пыр на виртö юö
Тәнсьыд,

шондіа Ямайка!

Сьылö ичöt Робертино,
Сьылö тайö асья часö,
Медым сылөн чужан Римас
Луныс вöлі ми кодь ясыд.



О Г Л А В Л Е Н И Е

Бур асыв!	3
Ленин пыр ловья	4
Миян флаг	4
Ов, миян республика!	5
Вөлі водз, а кӧнкӧ, гашкӧ, сёр нин	7
Ми олам космической нэмӧ	7
Чумын	8
Лӧсьыд овны миян войвылын	9
Ывлаыс помасьтӧг зэрӧ	9
Тувсов му	10
Бипур дорын	11
Яреньга дінын	11
Бара нин матыстчис тулыс	12
Ӗшкэмӧшка	13
Сыланкывйӧн гажмис бара	13
Тувсов серпас	14
Сыктывкар — Москва	15
Тӧв	16
Лыжи вылын	17
Ме унаысь ылавлі вӧрӧ	18
Кор войвылӧ матыстчас тулыс	19
Башенной кранлы гимн	19
Колонной залын	20
Эн юась	21
Полярной Урал бердӧ тулыс	22
Мед синмыд ӧні на оз шымырт	23
Лысва	23
Нюръяс сайын буксӧ пӧрысь сюзь	24
Му кӧ гӧрлін, тӧдан сылысь дон	24
Туйӧ петигӧн	25
Ой, ёна жӧ нин войыд кузь	25
Ми быдмим сьӧкыд кадӧ	26
Турияс (роч серти)	27
Биын оз сотчы	27
Энэж улын нинӧм абу помтӧм	28
Мӧдлы мед тэсянь шоныд	28
Дворник	29
Вижьюр	30
Сьӧлӧм	31
Катшасинъяс	32
Светлана	32
Мыйла таdzi...	33
Коркӧ вӧвлӧма	34
Сьылӧ Робертино Лоретти	34

4 коп.

КОМИ КНИЖНОЙ ИЗДАТЕЛЬСТВО
1963